



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola LXXIX. Ioannis Papae VIII. Ad Episcopos Et Clericos Graecos.
Declarat eos excommunicatos quod Bulgarum regiones inuadentes illicitas
ibi ordinationes fecerint; dignitate etiam priuandos, ...

urn:nbn:de:hbz:466:1-15967

nime obedientiæ colla submiseris. Iam vero si pertinaciter in hac indisciplinatione, atque peruatione permaneris, & episcopos & quotquot illic vel illi vel tu consecrassè videris, foras illinc minus expuleris, omnipotentis Dei iudicio & beatorum apostolorum principum auctoritate, nostræque mediocritatis sententia, omni patriarchatus esto dignitate quam fauore nostro receperas alienus & exors, nullo penitus summi sacerdotii priuilegio præditus vel potitus. Data mense Aprili, indictione xi. missa per Paulum, & Eugenium episcopos.

EPISTOLA LXXIX.

IOANNIS PAPÆ VIII.

AD EPISCOPOS ET CLERICOS GRÆCOS.

Declarat eos excommunicatos quod Bulgarum regiones inuadentes illicitas ibi ordinationes fecerint; dignitate etiam priuandos, nisi intra xxx. dies ex omni Bulgarica regione decesserint. Si quis autem paruierit, restituendum ei episcopatum decernit quem in Græcia habebat; & si nullum antea habebat, vacantem, si dignus est, eidem conferri iubet.

Omnibus episcopis & ceteris clericis Græcis Bulgaria diæceseos inuasoribus, ac per hoc excommunicatis.

MIRAMVR vos & vehementer obstupescimus sanctorum patrum Canones obturatis oculis relegisse, & calcata conscientia terminos æternos a patribus positos transtulisse, & in alienam messem iudicii falcem misisse in Illyrici prouincias, quas nunc Bulgarum natio retinet ingredientiæ, & ordinationes illicitas perpetrantes, cum & sacra Concilia sub sede beati Petri apostolorum principis, has olim prouincias deguisse patenter innuant, & rerum gestarum a sancto Damaso papa conscripta manifeste denuntient; Et statu causarum Deo auxiliante in melius iam pridem conuerso, sedes apostolica sit ab eis qui hanc habitant regionem recognita, requisita & multis precibus inuitata: nosque illuc episcopos, & inferioris ordinis sacerdotes cum præceptis sedis apostolicæ miserimus, & multos labores pro instructione illius regionis arripuerimus. Nam & si quidam vestrum clandestina illuc forte venerunt,

nerunt,

nerunt, apte de illis dicere possumus illud Domini dictum
 asseuerantes: *Omnes qui ante me uenerunt, fures fuerunt & la-* Ioan. 10.
trones. Ipse quippe Dominus per prophetam dicit: Venie-
bant & ego non mittebam eos. Nam quidam uestrum pro cri-
 minibus suis fugientes: quidam autem ambitus & auaritiæ
 causa illuc accessuri profecti sunt; non autem vocati, nec
 inuocati: licet nec sic in uestram uos diœcesin ad aliquam
 dispositionem faciendam introire contuenerit. Quia igitur
 contra sacras uos multipliciter egisse regulas deprehendi-
 mus; excommunicauimus uos & estis excommunicati.
 Quisquis autem ex uobis intra triginta dierum spatium
 cognitiæ huius apostolicæ sanctionis, omni Bulgarica re-
 gione non cedens, in ea quamlibet ordinationem uel dispo-
 sitionem patrare ultra prædictum spatium obstinate præ-
 sumpserit: sanctorum patrum auctoritate, nostrique iu-
 dicii sententia proprio careat officio non nisi respiscens
 poenam euasurus, aut ueniam aliquo modo speraturus.
 Si quis autem uestrum humiliter ac obedienter his salu-
 bribus monitis nostris parens, Bulgaricæ locum dederit
 diœcesi; nouerit nos decreuisse sibi episcopatum restitui
 quem eum in regione Græcorum prius habuisse constite-
 rit. porro & si nunquam habuit, uacantem illi tribui; si ta-
 men talis persona sit, cui nulla in hoc regula patrum ualeat
 obuiare.

Missâ per Paulum & Eugenium episcopos. Data xvi.
 die mensis Aprilis, indictione xi.

EPISTOLA LXXX.

IOANNIS PAPÆ VIII.

AD BASILIVM IMPERATOREM.

Missâ per Eugenium & Paulum reuerendissimos episcopos.

Dolet Constantinopolitanam ecclesiam schismate adhuc
 laborare: qua de re legatos mittit.

*Dilectissimo nobis & desiderabili filio Basilio Christianissimo
 & tranquillissimo imperatori.*

BENEDICTVS Deus & Pater Domini nostri Iesu Chri- 1. Cor. 1.
 sti, pater misericordiarum, & Deus totius consolatio-
 nis, qui misertus & consolatus est nos in præsentî sæculo ne-

Concil. Tom. 24.

○